




Broj: 05-50-1-2345/15
Sarajevo, 30.9.2015. godine



PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 25. sjednici održanoj 29.9.2015. godine, utvrdilo je Odgovor na zastupničku inicijativu koju je uputio Senad Šepić, zastupnik u Zastupničkom domu Parlamenta Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2345/15
Sarajevo, 29.9.2015. godine

Senad Šepić, poslanik u Predstavničkom domu Parlamentarne skupštine BiH, na 16. sjednici Predstavničkog doma održanoj 27. avgusta 2015. godine, podnio je sljedeću poslaničku inicijativu:

„Predlažem da Vijeće ministara BiH i Ministarstvo finansija i trezora BiH u pripremi Budžeta institucija BiH za 2016. godinu iznađe rješenje i osigura sredstva za podršku u sanaciji i rekonstrukciji kantonalne bolnice u Bihaću u iznosu od 1.500.000 KM“

Na poslaničku inicijativu, vijeće ministara BiH je na 25. sjednici održanoj 29. 9. 2015. godine, utvrdilo sljedeći

ODGOVOR

Ministarstvo finansija i trezora i Vijeće ministara BiH prilikom izrade Budžeta za 2016. godinu, rukovodiće se odredbama Zakona o finansiranju institucija BiH („Službeni glasnik BiH“, br. 61/04, 49/09, 42/12, 87/12 i 32/13) koji predstavlja zakonski osnov za izradu Budžeta.

Institucije BiH, odnosno Ministarstvo civilnih poslova, u skladu sa Zakonom o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09), ima nadležnost za utvrđivanje principa i koordiniranja aktivnosti, te u usklađivanje planova entitetskih tijela vlasti i definisanje strategije na međunarodnom planu u području zdravstva i socijalne zaštite. Dakle, ne postoji zakonska nadležnost institucija BiH za finansiranje, odnosno planiranje sredstava za rekonstrukciju bolnice u Bihaću.

Slijedom činjenice da se poslanička inicijativa odnosi na finansijsku podršku sanacije i rekonstrukcije kantonalne bolnice u Bihaću, podsjećamo da je oblast zdravstvenog osiguranja i zdravstvene zaštite u Federaciji BiH podjeljena nadležnost između Federacije BiH i kantona. Shodno odredbi člana 11. st. (2) i (3) Zakona o zdravstvenoj zaštiti Federacije BiH („Službene novine Federacije BiH“, broj 46/10):

„Federacija obezbjeđuje sredstva za investicijsko ulaganje i investicijsko održavanje zdravstvenih ustanova od značaja za Federaciju, te informatizaciju zdravstvene djelatnosti, u skladu sa mogućnostima Budžeta Federacije.

Odluku o mjerilima za obezbjeđenje elemenata standarda za investicijsko ulaganje i investicijsko održavanje, te informatizaciju zdravstvene djelatnosti iz stava 2. ovog člana koja će biti osnov za planiranje podrški iz Budžeta Federacije, jednom godišnje, donosi Vlada Federacije BiH, na usaglašen prijedlog federalnog ministra i federalnog ministra finansija.“

Takođe, odredba člana 13. st.(2) i (3) istog Zakona propisano je sljedeće:

„Kanton obezbjeđuje sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova - prostora, medicinske i nemedicinske opreme i prevoznih sredstava, te informatizaciju zdravstvene djelatnosti, u skladu sa planom i programom mjera zdravstvene zaštite za područje kantona koji utvrđuje vlada kantona, na prijedlog kantonalnog ministra.

Odluku o mjerilima za obezbjeđenje elemenata standarda za investicijsko ulaganje i investicijsko i tekuće održavanje te informatizaciju zdravstvene djelatnosti iz stava 2. ovog člana, koja će biti osnov za planiranje podrški iz kantonalnog budžeta, jednom godišnje donosi vlada kantona, uz usaglašen prijedlog kantonalnog ministra i kantonalnog ministra finansija.“

S obzirom da je uvaženi poslanik Šepić u obrazloženju inicijative naveo da je sanacija i rekonstrukcija bolnice u Bihaću na listi prioriteta potreba za građane Unsko-sanskog kantona, shodno odredbama citiranog zakona Federacija BiH i Unsko-sanski kanton trebaju obezbjeđiti sredstva investicijsko ulaganje radi sanacije navedene bolnice.